



Broj: 02-04-3079/22-AP-2
Datum: 14.12.2022. godine

Na osnovu člana 124. tačka f) i člana 132. stav (1) Zakona o zaštiti od požara i vatrogastva Zeničko-dobojskog kantona („Službene novine ZDK“, broj: 5/11), člana 8. i 13. Zakona o principima lokalne samouprave u Federaciji BiH („Službene novine FBiH“, broj: 49/06 i 51/08), člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 25. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), Gradsko vijeće Zavidovići na ___ sjednici, održanoj dana ___.__.2022. godine, donijelo je

O D L U K U

o izmjenama i dopunama Odluke o naknadi za vatrogastvo

Član 1.

U cjelokupnom tekstu Odluke o naknadi za vatrogastvo („Službeni glasnik Općine Zavidovići“, broj: 4/2013), riječi „Općina Zavidovići“ zamjenjuju se riječima „Grad Zavidovići“, riječi „Općinsko vijeće Zavidovići“ zamjenjuju se riječima „Gradsko vijeće Zavidovići“, a riječi „Općinski načelnik“ zamjenjuju se riječju „Gradonačelnik“ u odgovarajućem padežu.

Član 2.

U članu 1. Odluke o naknadi za vatrogastvo („Službeni glasnik Općine Zavidovići“, broj: 4/2013), iza dvotačke dodaje se riječ „Visina“ i stavlja se zarez.

Član 3.

U članu 2. stavovi (2) i (3) se brišu.
Stav (4) postaje stav (2).

Član 4.

U članu 3. stav (2) se briše.

Član 5.

Član 4. mijenja se i glasi:

„(1) Vlasnici čiji se poslovni prostori nalaze izvan urbane zone Grada Zavidovići i koji se ne koriste za obavljanje djelatnosti nisu obavezni plaćati naknadu po osnovi ove Odluke.

(2) Pravna lica koja imaju organizovanu vlastitu profesionalnu vatrogasnu jedinicu nisu obavezna plaćati naknadu po osnovi ove Odluke.“

Član 6.

U članu 5. tačke 6. i 7. se brišu.
Tačka 8. postaje tačka 6.

Član 7.

U članu 6. stav (1) iza tačke 3. dodaje se nova tačka 4. koja glasi: „4. druge potrebe vatrogasnih jedinica.“

Član 8.

Član 7. se briše.

Član 9.

U članu 8. stav (1) se briše.

U stavu (2) riječi „Služba za upravu ekonomskih poslova i poduzetništva“ zamjenjuju se riječima „Služba za upravu finansija, budžet i trezor“.

Član 10.

Postupci pokrenuti do stupanja na snagu ove Odluke okončat će se po odredbama Odluke o naknadi za vatrogastvo koje su važile do stupanja na snagu ove Odluke.

Član 11.

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“ i primjenjivat će se od 01.01.2023. godine

**PREDSJEDAVAJUĆA
GRADSKOG VIJEĆA**

mr. iur. Erna Merdić Smailhodžić

OBRAZLOŽENJE

USTAVNOPRAVNI I ZAKONSKI OSNOV ZA UVOĐENJE ODLUKE

U članu 124. Zakona o zaštiti od požara i vatrogastvu Zeničko-dobojskog kantona („Službene novine ZDK“, broj: 5/11) propisano je: „Vatrogasna djelatnost na nivou Kantona predviđena ovim zakonom finansira se iz:

- a) budžeta Kantona i općine;
- b) sredstava pravnih lica i vatrogasnih društava;
- c) premija osiguranja;
- d) dobrovoljnih priloga ili poklona pravnih i fizičkih lica;
- e) međunarodne pomoći;
- f) drugih izvora utvrđenih ovim i drugim zakonom.“

U članu 132. stav (1) Zakona o zaštiti od požara i vatrogastvu Zeničko-dobojskog kantona propisano je: „Općina u skladu sa članom 124. tačka f) ovog zakona, a u vezi sa članom 8. Zakona o principima lokalne samouprave u Federaciji BiH („Službene novine Federacije BiH“, broj: 49/06), može donijeti odluku o taksama odnosno naknadama za vatrogastvo“.

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

U toku primjene Odluke o naknadi za vatrogastvo („Službeni glasnik Općine Zavidovići“, broj: 4/2013) uočeni su nedostaci koje je trebalo otkloniti, kako bi se naknada za vatrogastvo prikupljala na što efikasniji način. Također pojedini članovi Odluke su morali biti promijenjeni zbog tehničkih razloga. Problemi su naročito uočeni kod prostora koji se nalaze van urbane zone Grada Zavidovići a koje vlasnici ne koriste za obavljanje bilo kakve djelatnosti. Ono što je posebno specifično kod tih prostora što se uglavnom radi o prostorima koji su u sklopu stambenog objekta i koji su sada adaptirani za stanovanje, ali vlasnik još uvijek nije promijenio namjenu tog prostora. Također, u novoj Odluci naknada za vatrogastvo vlasnici stambenih objekata i šumskih površina više nisu obveznici plaćanja naknade za vatrogastvo.

Također je Gradsko vijeće Zavidovići na 2. sjednici održanoj dana 31.05.2022. godine, po tački dnevnog reda Vijećnička pitanja, inicijative i odgovori, razmatralo je Inicijativu vijećnika Asima Sinanovića za donošenje Odluke o dopuni Odluke o naknadi za vatrogastvo pa je nakon rasprave donijelo Zaključak broj: 01-04-852/22-AP-3 kojim prihvata Inicijativu vijećnika Asima Sinanovića za donošenje Odluke o dopuni Odluke o naknadi za vatrogastvo i zadužuje Gradonačelnika sa nadležnom službom Grada Zavidovići za realizaciju predmetne Inicijative. Navedena inicijativa se odnosila na poslovne prostore izvan urbanog dijela Grada Zavidovići i da se za iste ukine obaveza plaćanja naknade za vatrogastvo ukoliko se ne koriste za obavljanje djelatnosti.

USKLAĐENOST ODLUKE S KANTONALNIM I FEDERALNOM ZAKONODAVSTVOM

Prijedlog odluke o izmjenama i dopunama Odluke o naknadi za vatrogastvo usklađen je sa Zakonom o zaštiti od požara i vatrogastvu Zeničko-dobojskog kantona („Službene novine ZDK“, broj: 5/11).

OBRAZLOŽENJE PRAVNIH RJEŠENJA U ODLUCI

U članu 3. brisano je u članu 2. stavovi (2) i (3), čime je ukinut osnov za plaćanje naknade na osnovu vlasništva nad kućama, vikendicama i šumama.

U članu 5. propisano je da vlasnici čiji se poslovni prostori nalaze izvan urbane zone Grada Zavidovići i koji se ne koriste za obavljanje djelatnosti nisu obavezni plaćati naknadu po osnovu ove Odluke.

U članu 6. izvršeno je brisanje u članu 5. Odluke alineja 6. i 7., čime je ukinuto plaćanje naknade za vatrogastvo za stambene i vikend objekte, te za šume.

Odredbe Odluke o naknadi za vatrogastvo koje su izmijenjene glase:

Član 1. (Predmet Odluke)

Odlukom o naknadi za vatrogastvo (u daljnjem tekstu Odluka), utvrđuju se: naknada, obveznici, način prikupljanja i namjena sredstava.

Član 2. (Osnovi za plaćanje naknade)

Naknada za vatrogastvo ostvarivat će se:

1. Po jedinici izgrađene korisne površine/m²
 - a) poslovnog prostora,
 - b) proizvodnog poslovnog prostora,
 - c) ustanova,
 - d) vjerskih objekata,
 - e) drugih prostora (nadstrešnice, skladišta i garaže).
2. Po stambenoj jedinici
 - a) stambeni prostor (stan ili kuća),
 - b) vikend kuće.
3. Po površini – hektaru
 - a) površine obrasle šumom u privatnom vlasništvu.
4. Prema zapremini po toni
 - a) skladišta – tankovi tečnih goriva.

Član 3. (Obveznici naknade)

Obveznici naknade za vatrogastvo su svi vlasnici prostora i površina iz člana 2. ove Odluke, bez obzira da li ih vlasnik trenutno koristi ili isti nije u funkciji.

Ukoliko prostore i površine navedene u prethodnom stavu koristi neko drugo lice osim vlasnika, u svojstvu stanarskog prava ili zakupca, isto je obavezno plaćati naknadu utvrđenu ovom Odlukom.

Član 4. (Izuzeci)

Pravna lica koja imaju organizovanu vlastitu profesionalnu vatrogasnu jedinicu nisu obavezna plaćati naknadu po osnovu ove Odluke.

Član 5.
(Visina naknade)

Visina naknade obveznika iz člana 2. ove Odluke određuju se godišnje, i iznosi za:

- poslovne prostore 0,40 KM/m²
- proizvodne poslovne prostore 0,20 KM/m²
- ustanove 0,20 KM/m²
- vjerske objekte 0,10 KM/m²
- druge prostore (nadstrešnice, skladišta i garaže) 0,10 KM/m²
- stambeni prostor i vikend kuće - po stambenoj jedinici 12,00 KM
- površine obrasle šumom u privatnom vlasništvu 5,00 KM/ha
- skladišta - tankovi tečnih goriva 24,00 KM/t

Član 6.
(Namjena naknade)

Sredstva koja će se ostvariti iz naknade po osnovu ove Odluke koristit će se isključivo za:

1. nabavku vatrogasne opreme, tehničkih i drugih sredstava za vatrogasne jedinice,
2. stručno obučavanje i osposobljavanje vatrogasaca i održavanje opreme i vatrogasnih sredstava,
3. investicionu izgradnju i opremanje objekata za potrebe vatrogasnih jedinica.

Član 7.

Utrošak sredstava iz naknade za vatrogastvo vrši se na osnovu godišnjeg Plana prihoda i rashoda naknade za vatrogastvo.

Plan utroška sredstava iz naknade za vatrogastvo donosi Općinski načelnik na prijedlog Službe za upravu civilne zaštite do 31. decembra tekuće za narednu godinu.

Član 8.

Nalogodavac po sredstvima naknade za vatrogastvo je Općinski načelnik. Računovodstvene i knjigovodstvene poslove naknade za vatrogastvo vodi Služba za upravu ekonomskih poslova i poduzetništva.

**PROVEDBENI MEHANIZMI I NAČIN
OSIGURAVANJA POŠTIVANJA ODLUKE**

Provedbeni mehanizmi propisani su Odlukom o naknadi za vatrogastvo („Službeni glasnik Općine Zavidovići“, broj: 4/2013), putem donošenja rješenja o plaćanju naknade za vatrogastvo i naplatom naknade od obveznika plaćanja naknade za vatrogastvo.

**OBRAZLOŽENJE FINANSIJSKIH SREDSTAVA ZA PROVOĐENJE
ODLUKE I FINANSIJSKI EFEKTI ODLUKE**

Za sprovođenje ove Odluke nije potrebno angažovanje sredstava iz Budžeta Grada Zavidovići.

Donošenjem ove Odluke neće se povećati visina naknade koju obveznici plaćaju primjenom važeće Odluke o naknadi za vatrogastvo. Primjenom ove Odluke smanjit će se

godišnja naplata u maksimalno procijenjenom iznosu od 900,00 KM, što u procentima iznosi oko 1,2%.

OPIS KONSULTACIJA VOĐENIH U PROCESU IZRADE ODLUKE

Tokom izrade ove Odluke nisu vođene posebne konsultacije jer za istim nije bilo potrebe.

GRADONAČELNIK

doc. dr. Hašim Mujanović

Obradio: _____
(Kenan Hadžić)

Kontrolisao: _____
(Remzo Šogolj)